

PRÆFATIO.

Quid agimus, anime? quoisque mortales
cæcutiunt? errant, in diversa ruunt? an
nunquam erit errorum finis? quantum ab
uno, altero ve sæculo peccatum est circa
Theoriam, & praxim, & Theologiam Mysticam? eheu!
extremos ubique, præsertim circà praxim intueor
errores. Illic Rigor est, hic *laxitas*; Scylla, & Cha-
rybdis, scopuli sanè naufragiis celeberrimi. Hos
inter tuò navigat medium tenens iter Veritas.

At quô Duce, quô Gubernatore navigat Veritas?
Is est profectò omnium per ora volitans; & ubi-
que in pulpitis, cathedris, libris resonans D. THOMAS
AQUINAS, Angelicus, & Communis Ecclesiæ Doctor.
Hujus Doctrina præ cæteris, exceptâ canonicâ, habet...
VERITATEM SENTENTIARUM, ita ut nunquam, qui eam
tenuit, inveniatur à VERITATIS tramite deviassè, & qui
eam impugnaverit, semper fuerit de VERITATE suspectus.
Innocentius VI. Nolim hic recensere innumera &
à supremis Ecclesiæ Moderatoribus, & à viris cele-
berrimis in Doctrinam Angelici certatim effusa en-
comia. Sanè illius tutissima, & inconcussa dogmata,
& penes Catholicos universos ingentia, & omnem lau-
dem supergressa nomina, novi præconii commendatione
planè non egent. Alexander VII. Quis tamen silentio
premat prænobile de D. THOMA testimonium, quod
Cardinalis Casanate non minùs sapientiâ, & pietate,
quàm purpurâ toti Orbi conspicuus non semel, dum
viveret, protulit. Felicem dixit ille, orbem fore, si
una D. Thomæ Doctrina ubique obtinèret, si unus in
Scholis, & Academiis Thomas Doctor audiretur, ac con-
suleretur in rebus dubiis, nullam tunc in Orbe fore Hæ-
resim, nullam in morali, quæ conscientias hominum
regit, relaxationem, nullam in Mysticâ Theologiâ, quæ
Sanctitati viam sternit, exerrationem. Hæc certè si
observata fuissent; nec Baius assertiones suas 79. fa-
bricasset,

bricaslet, nec *Jansenius* infelicem, totque dissidiorum feracem Pentadem condidisset, nec in lucem prodiissent cum ingenti animarum strage Propositiones 110; neque, dum his repagulum opponitur, itum fuisset in aliud extremum, nimium scilicet Rigorem 31. Positionibus comprehensum. Annè etiam Author Illustrissimus (cujus nuperrimè extinti manus æviterrâ in pace quiescant, sed cuius Gloria ob singularem sui submissionem numquam extinguetur) annè inquam, errasset ille in *Theologiâ Mysticâ?* an *Quesnel* famosas 101. Propositiones seminaslet, quæ modò tantum pulveris excitant in Ecclesiâ Dei? rectè igitur dixit Eminentissimus Casanate, felicem Orben fore, si UNA D. Thomæ Doctrina ubique obtineret.

Illud scilicet votorum summa meorum est; illud scopus qualiscumque laboris mei. Hunc in finem cui-libet, vel pluribus subinde Assertionibus subnectere conatus fui D. THOMÆ Authoritatem damnatas præ-damnantem. Nullus sanè unquam emersit, vel emerget error, quem S. Doctor cœlestibus scriptis non prædebellat. Hoc & in npero patuit libro *de hæresi-bus omnibus* ab Aquinate profligatis. Quàm rursus igitur optandum foret, ut Angelici dogmata omnium falsitarum præsuffocativa unicè colerentur!

Cæterùm si quid sit, Lector Benevole, in hoc operis decursu, quod vel duritiem, vel acrimoniam quamdam præ se ferre videatur, id ex animo rejicio, & retracto. Quàm graviter certè coram Deo rei sunt, qui sarcasmis, detractionibus, mendaciis, qui indisciplinatô calamô, stylöque mordaci adversarios ex-agitant, lacestant, proscindunt! Quàm hoc à Christianâ, nedum Religiolâ modestiâ alienum est!

Tu interim, Lector, hoc opusculo (cui etiam nonnulla Historica ob rei varietatem inferuimus) utere; tolle præjudicia, ama veritatem, & non poteris non amare D. THOMÆ Doctrinam.

Juxta ordinem temporis à Propositionibus ordi-nmur *Batianis.*

PROPO,